

Centrotours

SPECIJALNA PONUDA!

VELIKA HISTORIJSKA TURA ANADOLIJOM I EGEJOM

KAYSERI – KAPADOKIJA – KONJA – PAMUKKALE – DENIZLI – DALYAN – MARMARIS –
BODRUM – KUŞADASI – IZMIR – EFES

8 NOĆENJA/9 DANA/AVION

04 – 12.10.2020

PROGRAM PUTOVANJA

1. DAN, 04.10.2020. (NEDJELJA), SARAJEVO – ISTANBUL – KAYSERI

Okupljanje na Sarajevskom aerodromu 2 sata prije leta (07:00h). Check-in i let za Istanbul u 09:05h avio kompanijom Turkish airlines. Dolazak u Istanbul i presjedanje na let za Kayseri. Dolazak u Kayseri u 17:30h, transfer do hotela i smještaj. Večera. Slobodno večer za šetnju i razgled grada. Noćenje.

2. DAN, 05.10.2020. (PONEDJELJAK), KAPADOKIJA – KONYA

U ranim jutarnjim satima postoji mogućnost fakultativnog **leta balonom*** iznad Kapadokije. Zatim slijedi povratak u hotel i doručak. Nakon doručka polazak na cjelodnevno razgledanje doline **Kapadokije**, jednog velikog muzeja na otvorenom. Dolina je poznata po velikom broju ranohrišćanskih crkvi oslikanih freskama, isklesanim u mekim vulkanskim stijenama koje su bile sigurno mjesto za skrivanje Hrišćana od rimskih i arapskih osvajača. Odlazak za **Avanos**, grad na obali **“Crvene rijeke”**. Posjeta maloj fabrici gdje ćete imati priliku vidjeti kako nastaje glineni ćup, kao i razne predmete napravljene od gline i porculana. Put se nastavlja ka prirodno formiranom utvrđenju Učhisar odakle se pruža najljepši pogled na dolinu. Foto pauza i nastavak vožnje prema podzemnom gradu **“SARATLI / KIRKGOZ”** koji se sastoji od više podzemnih spratova.

Nakon veličanstvene Kapadokije, polazak u smjeru stanice za karavane **Obruk Han** iz vremena Seldžuka te nakon pauze naš put nastavljamo prema Konji. Dolazak u Konju u večernjim satima. Smještaj u hotel. Večera. Slobodno vrijeme za vlastite aktivnosti. Noćenje.



3. DAN, 06.10.2020. (UTORAK), KONYA – PAMUKKALE

Doručak. Obilazak turbeta **Hazreti Celaletin Mevlane Rumija**, obližnje Selimije džamije te slobodno vrijeme za individualni razgled jednog od rijetkih turskih gradova koji je zadržao staru Tursku kulturu i tradiciju. Nastavak putovanja prema gradu **Denizli** u čijoj oblasti se nalazi prema Turcima "7. Svjetsko čudo" – **PAMUKKALE**. Dolazak i smještaj u jedan od termalnih hotela koji se snadbijeva ljekovitom termalnom vodom sa područja Pamukkala. Slobodne aktivnosti do večere. Poslije večere, individualni odlazak do sela **Karahayit** koje se nalazi nedaleko od hotela, a gdje možete po jako povoljnim cijenama kupiti suvenire vezane za regiju Denizli, pa čak i za ostale regije Turske. Moguće je da hotel organizira zabavu nakon večere uz trbušnu plesačicu. Noćenje.

4. DAN, 07.10.2020. (SRIJEDA), PAMUKKALE – DENIZLI

Doručak. Check-out i polazak iz hotela prema **Pamukkalama**. U sklopu lokaliteta predviđen je obilazak jednog od najpoznatijih antičkih nalazišta u Turskoj – **HIERAPOLISA** gdje su ostaci **crkve i grob apostola sv. Filipa**, stari amfiteatar, groblje sa sarkofazima te obilazak samih Pamukkala što u prijevodu znači "Pamučna tvrđava". Radi se o čudesnom platou boje bijelog pamuka koji su stvorile naslage vode bogate oksidom i kalcijem rijeke koja izvire na južnim padinama Caldaga. Slobodno vrijeme za kupanje u nekom od prirodno formiranih bazena, odnosno krečnjačkih naslaga ili fakultativno kupanje u čudesnom **Kleopatrinom bazenu**. Povratak u hotel. Slobodno vrijeme za kupanje u termalnim bazenima. Večera. Noćenje.



5. DAN, 08.10.2020. (ČETVRTAK), PAMUKKALE – DALYAN – MARMARIS

Doručak. Napuštanje hotela i vožnja prema mjestu **Dalyan** gdje nas očekuje krstarenje istoimenom rijekom. Po dolasku u mjesto Dalyan ukrcaj na male brodiće kojima nastavljate plovidbu ka cilju, a to je ušće rijeke u Sredozemno more. Rijeka je specifična po tome što se, zbog specifičnog tla i okoline kojim protiče, sastoji iz bezbroj rukavaca obraslih visokom trskom. Čini se da raspored rukavaca i snalaženje u šumi trske poznaju samo oni koji će vas provesti ovim zanimljivim rezervatom. Usput ćete biti u prilici da vidite čuvene kornjače **Caretta Caretta** i grobnice velikana tadašnjeg grada koje su uklesane u stijenama, te posjetite banju sa ljekovitim blatom i termalnim bazenom. Poslije ove avanturističke vožnje kroz tršćane rukavce i mirnu vodu, stiže se do ušća rijeke Dalyan u Sredozemno more gdje pješčani sprud odvaja uzburkanu i valovitu slanu vodu mora, od mirne slatko - slane vode rijeke Dalyan. To je mjesto gdje puca pogled na pučinu Sredozemnog mora, a ovu dugu pješčanu plažu zovu još i **Plažom kornjača**. Nakon završetka, transfer do hotela u **Marmarisu**. Smještaj u hotel. Večera. Noćenje.

6. DAN, 09.10.2020. (PETAK), MARMARIS – RODOS

Doručak. Slobodan dan za vlastite aktivnosti. **Marmaris** je upravo jedno od primamljivih mjesta za turiste svih starosnih dobi, veliki grad sa bogatom okolinom, gdje svako od nas može naći ono što ga zanima. Pogodan je za ljubitelje istorije, avanture, noćnog provoda ili samo uživanja na plažama. Sa svojim bujnim zelenilom i prelijepom prirodom koja ga okružuje, glavni je rival na turskoj zapadnoj obali. Poznat je po velikoj luci gdje su usidreni mnogi veliki brodovi, jedrenjaci, jahte. Veliko šetalište duž obale mora je veoma lijepo uređeno sa drvoredom visokih palmi i plažom odmah pored šetališta. Svojim izlaskom na luku pretvara se u široku promenu prepunu restorana, barova i kafe-a. **Ovaj dan je moguće iskoristiti i za jedan od fakultativnih izleta:**

IZLET NA RODOS - S obzirom da se Rodos nalazi u Egejskom moru naspram Marmarisa, većina agencija, kako turističkih tako i turskih centara za ekskurzije, organizuju odlazak jednodnevnu posjetu i obilazak Rodosa. Ovaj izlet je nešto skuplji, oko 60-ak eura i omogućava Vam da se upoznate sa nekim od priča o Rodosu kao i da na kratko osjetite čari ovog grčkog ostrva. Obilazi se stari grad, organizovana je jednosatna pratnja vodiča, a ostatak vremena je samostalno istraživanje ili kupanje. Povratak za Marmaris. Noćenje.



7. DAN, 10.10.2020. (SUBOTA), MARMARIS – BODRUM – KUŞADASI

Doručak i napuštanje hotela. Danas idemo prema još jednom ljetovalištu na egejskoj obali, gradu **Kuşadası**. Usputna stanica nam je jedno od najpoznatijih turskih ljetovališta, grad bogate historije i kulture koji pripada **provinciji Muğla**, a ponosno nosi naziv **BODRUM**. Historija Bodruma je bogata duga više od 30 vjekova. Na ovom području je još u 11. vijeku p.n.e. postojao grčki grad i luka Halikarnas. Ovaj helenistički grad je mjesto rođenja mnogih znamenitih ljudi toga doba, među kojima je svakako najpoznatiji otac historije Herodot, koji se ovdje rodio i živio u 5. vijeku p.n.e. Kasnije su vlast nad Halikarnasom preuzeli Perzijanci i za vrijeme njihovog vladara Mauzola, desila se prava ekspanzija u razvoju grada. Nakon smrti Mauzola, u njegovu čast podignut je posmrtni hram, nazvan po vladaru **Mauzolej u Halikaransu**, jedno od 7 svjetskih čuda antičkog svijeta. Nakon kraćeg razgleda grada predviđeno je slobodno vrijeme za shopping i vlastite aktivnosti. U popodnevним satima nastavljamo prema Kuşadasiju. Dolazak u hotel i smještaj. Večera i slobodno vrijeme. Noćenje.



8. DAN, 11.10.2020. (NEDJELJA), KUŞADASI – EFES – SELÇUK – BRDO SLAVUJA

Doručak. Slobodan dan predviđen za odmor ili eventualno fakultativnu posjetu **EFESU**, jednom od najvećih sačuvanih antičkih gradova na svijetu. Razgled lokaliteta: najveći antički amfiteatar u svijetu u kojem se čak i danas održavaju koncerti, mramorna cesta, Odeon, Hadrijanov hram, Celsiusova biblioteka, rimske kupelji, agore i druge građevine. Posjeta i obližnjem „**Brdo slavuja**“, na kojem se nalazi kuća **Svete Marije (Hazreti Merjem)** – mjesto za koje se smatra da je provela svoje posljednje dane života. Vožnja do obližnjeg mjesta **SELÇUK**, u kojem se nalaze ostaci **ARTEMIDINOG hrama** - jednog od 7 čuda staroga svijeta. Povratak u hotel. Slobodno vrijeme za kupanje, večera. Noćenje.



9. DAN, 12.10.2020. (PONEDJELJAK), IZMIR – ISTANBUL – SARAJEVO

Doručak. Odjava iz hotela i polazak prema biseru egejske regije, jednom od najljepših gradova svijeta - **IZMIRU**. Dolazak u Izmir centralni dio grada Konak te panoramski razgled grada. Slobodno vrijeme pored čuvene sat kule koja se nalazi u strogom centru grada odakle možete posjetiti čuveni **Izmirski Kordon** ili uživati u pijaci **Kemeralti**. U dogovoreno vrijeme transfer na aerodrom Adnan Menderes koji se nalazi u blizini Izmira. Check in te let za Istanbul u 16:10h. Presjedanje u Istanbulu te let za Sarajevo u 19:10h. Slijetanje u Sarajevo u 20:05h.

ULTRA FIRST MINUTE CIJENA: 888,00 KM

(za rezervacije do 20.08.2020. ili za prvih 15 rezervacija)

REGULARNA CIJENA ARANŽMANA: 999,00 KM

(važi za sve rezervacije napravljene nakon 01.09.2020. do popunjenja kapaciteta)

U cijenu je uključeno:

- Avio karta (ekonomska klasa, 30kg prtljag) na relaciji Sarajevo-Istanbul-Kayseri i Izmir – Istanbul – Sarajevo,
- Smještaj u hotelima kategorizacije 4* i 5* na lokacijama prema programu, na bazi polupansiona u 1/2 sobama (8 noćenja),
- Transferi autobusima visoke turističke klase na relacijama prema programu,
- Usluge pratioca grupe/vođe puta i lokalnih vodiča tokom boravka u Turskoj,
- Obilaskne predviđene po programu (osim fakultativnih i obaveznih izleta).

U cijenu nije uključeno:

- Individualni troškovi,
- Aerodromske takse 245,00 KM,
- Osiguranje od otkaza putovanja 25,00 KM (nije obavezno, ali ga preporučujemo),
- PZ osiguranje 18,00 KM,
- Bakšiš vozaču i vodičima 20 KM,

Fakultativni izleti: Let balonom iznad Kapadokije cca 150,00 EUR/300,00 KM (potrebna rezervacija mjesec dana unaprijed),

Posjeta Rodosu cca 60,00 EUR/120,00 KM, Izlet u Efes cca 35,00 EUR/70,00 KM.

- Paket **obaveznih posjeta** po programu. *

***PAKET OBAVEZNIH POSJETA OBUHVATA:**

- Panoramski razgled oblasti Kayseri,
- Panoramski razgled grada Nevşehir,
- Posjeta otvorenom muzeju Goreme,
- Posjeta podzemnom gradu Kaymakli / Derinkuyu,
- Posjeta fabrici za proizvodnju glinenih čupova,
- Posjeta i obilazak muzeja Hazreti Mevlane u Konyi,
- Posjeta Karatay medrese,
- Posjeta i panoramski obilazak "Ince minare" Konya (bez ulaza),
- Posjeta Kervansaraju na dionici između Konye i Pamukkala,
- Korištenje termalnih bazena u sklopu hotela na Pamukkalama,
- Posjeta i obilazak Hierapolisa Pamukkale,
- Panoramski razgled grada Denizli,
- Organizovana posjeta selu Karahayit / Denizli,
- Posjeta i obilazak bijelih krečnjačkih traventina / Pamukkale,
- Krstarenje rijekom Dalyan sa usputnim atrakcijama,
- Panoramski razgled grada Marmaris,
- Posjeta i obilazak grada Bodrum,
- Posjeta i obilazak grada Kuşadası,
- Posjeta i obilazak naselja Konak u Izmiru.

UKUPNA CIJENA PAKETA: 155,00 KM (plaća se u agenciji najkasnije 10 dana prije putovanja)

Putnici na ovom putovanju obavezni su imati biometrijski pasoš sa datumom važenja minimum 5 mjeseci od planiranog dana povratka sa putovanja.

Kalkulacija je rađena na bazi minimum 40 putnika.

Realizacija fakultativnih izleta na minimum 30 prijavljenih putnika.

Agencija zadržava pravo promjene rasporeda fakultativnih posjeta usljed nepredviđenih okolnosti.

Putovanje će se realizovati u skladu sa uputama nadležnih institucija vezanih za pojavu virusa Covid19.

Molimo Vas da se prije zaključenja ugovora o putovanju upoznate sa programom putovanja i Opštim uslovima putovanja agencije Centrotours.

SARAJEVO: Centrotrans-Eurolines d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO: Ferhadija 16, telefon: 033 407 407, fax: 211 282; Put života 8 (Autobuska stanica), telefon: 033 214 959; Bulevar Meše Selimovića 97 (zgrada Općine Novi Grad), telefon: 033 407 660; Kurta Schorka 36 (Međunarodni aerodrom Sarajevo), telefon: 033 407 661

ZENICA: Maršala Tita 63, telefon: 032 409 409

ID broj 4200153220232



i.s.t.a.a.

